



E Mafai e Lē e Ona le Fale Ona Faia Lena Mea?

❖ Faitau pe a e nofo i le setete o Uasigitone.

Sa ou fesili i lē e ona le Fale mo se fuafuaga pemeni e totogi ai la'u tupe faamau. E mafai e lē e ona le fale ona tete'e a'u?

Atonu.

I le tele o taimi, e tatau ona faatagaina oe e lē e ona le fale ona totogi lau tupe faamau, pili e lē toe faafo'i, ma le mautotogi o le masina mulimuli i vaega laiti.

E mafai ona te'ena e lē e ona le fale lau talosaga mo se fuafuaga pemeni pe a fai o le aofa'i o tupe faamau ma pili e lē toe faafo'i e lē sili atu nai lo le 25 pasene o le mautotogi o le masina muamua ma e lē mana'omia e oe ona totogi i lē e ona le fale le mautotogi mo le masina mulimuli pe a e tuumuli ese. Faitau [Ua Mafai e Tagata Nofofale Ona Totogi Le Tele o Tau i Vaega Laiti](#). O loo maua i Washingtonlawhelp.org.

E mafai e lē e ona le fale ona loka a'u i fafo?

Leai. O lē e ona le fale e lē mafai ona loka oe mai le iunite, tusa lava pe a. O lē e ona le fale e lē mafai ona

- suia loka
- faaopoopo loka fou
- faasāina oe ona ulufale i totonu o le iunite poo le a lava
- loka oe i fafo e tusa lava pe ua tuai atu lau mautotogi

❖ O lē e ona le fale e tatau ona faila se mau tagi i le fale faamasino ma manumalo i se faatonuga e avatu ai se faataga e tulia ai oe.

E mafai e lē e ona le fale ona tapē uila, vai ma eletise?

Na o le faiga o le toe faaleleia. e faasā e lē e ona le fale ona tapē le uila, vai ma eletise

- Ona ua tuai atu lau mautotogi.
- Ina ia taumafai atu e tulia ese oe.

E le tusa ai fo'i ma le tulafono ua faasaina e lē e ona le fale ona taofi le totogiina o le uila, vai ma le eletise ina ia tapē ai nei meafale.

E mafai ona ave sau moliga o lē e ona le fale i le fale faamasino pe afai ua tapē lau uila, vai ma le eletise. Afai e te mālō, e mafai e le faamasino ona avatu se tupe totogi mo oe i le aofa'i e \$100 mo aso uma sa leai ai sau uila, vai po o le eletise.

E mafai e lē e ona le fale ona ave a'u meafale?

Vagana ai ua e tu'ua le iunite. I le tulafono a le setete, ua e tu'ua le iunite **pe afai** o nei mea e lua e sa'o:

- Ua tuai lau mautotogi.
- Sa e ta'ua atu i lē e ona le fale, i upu, faatino pe o se tusi o le a e tu'umuli ese.

E faasā i lalo o le tulafono ona tuu e lē e ona le fale i le feagaiga maufale le faataga ona ave o au meafale.

Afai ua ave e lē e ona le fale au meafale, logo atu lē e ona le fale i se tusi. Afai sa e lē toe maua mai au meafale, vili le leoleo. E mafai ona e molia lē e ona le fale i le fale faamasino ma fai ai se faatatau e toe faafo'i atu au meafale. O le faamasino e mafai ona avatu mo oe se totogi i le aofa'i e \$500 mo aso uma sa taofi ai e lē e ona le fale au meafale, e oo atu i le aofa'i e \$5,000.

E mafai e lē e ona le fale ona faanofo se iunite faasalaina ia te a'u?

O Lē e ona le Fale e faasā ona faataga se isi ona nofo i se iunite o i ai ni sala faaletulafono. E mafai ona e molia pe afai ua e iloa o lē e ona le fale sa faia ma le iloa i le taimi sa sainia ai le feagaiga o le iunite o talanoaina o loo sala le nofoaga i le tulafono.

E mafai e lē e ona le fale ona toe faasaga tau mai ia te a'u?

E lē mafai e lē e ona le fale ona "faasaga tau" (pe tau ma sui) mai ia oe mo se moliga sa e faia i lē e ona le fale.

O mea faapenei e mafai ona faasaga tau mai:

Faata'ita'iga 1: Sa e ripoti atu se pu telē i le fāalo a le fale i le itumalo. Ua logo e le itumalo lē e ona le fale o le a faatulaga se asiasiga atu i le fale. Ua faasaga mai lē e ona le fale ma logo atu oe o le a si'i le mautotogi.

Faata'ita'iga 2: Ua e logo atu i lē e ona le fale i le tulaga e tatau ai ua e to'ese se tau mai faaleleia o le iunite mai le mautotogi. Ina ua maua lau tusi, o lē e ona le fale ua faasaga tau ma tapē le kesi. O le kesi e ese atu mai galuega faaleleia sa manaomia ona e faia.

Afai o lē e ona le fale ua faia se faatatau e toe tau mai oe a o le'i pasia aso e 90 mai moliaga sa e faia ia te ia, e mafai ona ta'ua lena tulaga o se toe faasaga tau mai po o se sala faaletulafono. Talanoa atu i se loia pe afai ua e iloa o lē e ona le fale ua faasaga tau mai ia te oe. E mafai ona faia sau moliaga.

E mafai e lē e ona le fale ona teena mautotogi i tupe ta'italā?

O lē e ona le fale e mafai ona teena pe talia se mautotogi faatupe ta'italā mai ia oe. Afai ua talia e lē e ona le fale tupe ta'italā mo le mautotogi, ona tatau lea e lē e ona le fale ona avatu sau risiti.

Afai sa e fesili atu mo nei mea, o lē e ona le fale ua tatau ona avatu se risiti tusia mo soo se pemeni sa e faia i lē e ona le fale.

Faatulaga Se Fesoasoni Faaletulafono

- I fafo o King County, vili le CLEAR Hotline ile 1-888-201-1014 aso o le vaiaso i le va o taimi nei 9:15 am - 12:15 pm.
- I totonu o King County, vili 2-1-1 aso o le vaiaso i le va o taimi nei 8:00 am - 6:00 pm. E mafai ona avatu mo oe se fesoasoani faaletulafono.
- Tagata Matutua (60 tausaga ma luga atu) e mafai fo'i ona vili CLEAR*Sr i le 1-888-387-7111 (setete atoa).
- E mafai fo'i ona e apalai i luga o le initaneti CLEAR*Online: nwjustice.org/get-legal-help.

O lenei lomiga o avatu ai faamatalaga mo le lautele mo au tiute ma aiā tatau. E lē o se faamoemoe e avea ma sui mo fautuaga faaletulafono.

© 2020 Northwest Justice Project — 1-888-201-1014.

(O le faatagaina mo kopi ma le tufatufaina ua tuuina atu ile Alliance for Equal Justice ma tagata taitoatasi e lē aofia ai tulaga faapisinisi.)